



GODIŠNJI IZVJEŠTAJ

2021.

www.fondacijacure.org

Naslov

Fondacija CURE
Izveštaj 2021.

Izdavačice
Fondacija CURE

Urednica
Medina Mujić

Lektura
Enida Čamdžić

Prelom
Tanja Čurić

Štampa
Cober d.o.o.

Tiraž
100

SADRŽAJ

UVOD	4
Misija Fondacije CURE	6
Vizija Fondacije CURE	6
Identitet Fondacije CURE	7

PROJEKTI FONDACIJE CURE

Razvoj kapaciteta Fondacije CURE	13
Zagovaranje za ženska prava	13
Integrirana sigurnost za žene (ISW)	16
Pružanje brzog odgovora, podrške i integracije za tražiteljice azila	17
Zagovaranje za ženska prava	18
„OsnažENE za promjenu“	19
„Speak up Against Violence!“ („Progovori o nasilju!“)	20
XVI PitchWise festival ženske umjetnosti i aktivizma u BiH	22
Ženska mreža BiH	24
Globalna kampanja 16 dana aktivizma protiv rodno zasnovanog nasilja i ulične akcije	26

CURE PARTNERSTVA

Inicijativa za afirmativne izmjene i dopune udžbeničkog sadržaja u srednjim školama u Kantonu Sarajevo	28
Inicijativa Mir sa ženskim licem	28
Aktivističko-informatičko osnaživanje ženskih udruženja	30

CURE SARADNJA	31
OSTALE AKTIVNOSTI FONDACIJE CURE	
8. mart	34
POZITIVNA PRIČA VOLONTERKE	36
CURE PUBLIKACIJE I ISTRAŽIVANJA	36
PROGLAS FONDACIJE CURE O NULTOJ TOLERANCIJI NA NASILJE	37
MEDIJSKA VIDLJIVOST	38
DONATORKE I DONATORI	40

FONDACIJA CURE IZVJEŠTAJ ZA 2021. GODINU

UVOD

Fondacija CURE (CURE) je feminističko-aktivistička organizacija koja djeluje za ravnopravnost spolova i rodova zalažući se za pozitivne društvene promjene putem obrazovnih, umjetničko-kulturnih, istraživačkih i zalagačkih programa. Fondacija je počela sa radom 07.11.2005.godine. Organizujući afirmativne akcije, Fondacija CURE slavi snagu i moć žena, te radi na osnaživanju žena i djevojčica i drugih rodno senzitivnih osoba kako bi postali/e pokretači/ce društvenih promjena u BiH i svijetu. Feministički aktivizam omogućio je siguran prostor u kojem su žene jake, neustrašive, sposobne i ujedinjene u svim svojim različitostima. Fondacija CURE je organizacija aktivistkinja/ta, profesionalki/aca i volonterki/a koje/i izlaze na ulice u znak javnog protesta protiv nasilja, diskriminacije, kršenja zakona, ženskih prava i osnovnih ljudskih prava, organizuju performanse protiv nasilja, pozivaju umjetnice/ke, naučnice/ke, edukatorice/e, aktivistkinje/e, građanke/e, predstavnice/ke marginalizovanih i ranjivih skupina na akciju i konkretan lični doprinos za kreiranje boljeg i zdravijeg bosanskohercegovačkog društva, te kroz različite zagovaračke mehanizme utiču na stvaranje javnih politika socijalne pravde i najviših standarda poštivanja ljudskih prava.

Doprinoseći kreiranju i razvoju solidarnog i inkluzivnog feminističkog pokreta u Bosni i Hercegovini i svijetu, Fondacija CURE se vidi kao nositeljica društvenih promjena kojim se poboljšava status žena i djevojčica, te marginalizovanih društvenih skupina, čime žene postaju ravnopravne i aktivno učestvuju u donošenju i provođenju odluka.

Tim trenutno okuplja **dvanaest snažnih žena** različitih dobnih, nacionalnih, profesionalnih,

aktivističkih i interesnih profila, okupljenih oko zajedničke misije i vizije, ali i sa snažnim ličnim stavom o prioritarnim aspektima djelovanja Fondacije CURE, te o najvažnijim društvenim temama kojima se Fondacija CURE bavi i kojima bi se trebala baviti. Fondacija CURE podržava članice svoga tima u daljem razvoju njihovih ličnih kompetencija i interesa.

U proteklom periodu, pojedinke iz tima Fondacije CURE su za svoj aktivističko-feministički rad i društveni angažman dobile i međunarodne i državne nagrade.

Fondacija CURE aktivno učestvuju u radu više mreža civilnog društva u Bosni i Hercegovini i regiji, te spremno stupa u ad hoc koalicije i partnerstva sa kredibilnim partnerskim organizacijama i osobama čije vrijednosti djelovanja promovišu rodnu ravnopravnost i ženska prava u svojoj punoći.

Neke od mreža u kojima je Fondacija CURE aktivna i čijem radu doprinosi su:

- ✓ Ženska mreža BiH (ŽMBiH), od 2009. godine – u kapacitetu koordinacione organizacije
- ✓ ERA – LGBTI Equal Rights Association, od 2016. godine
- ✓ EuroMed feministička inicijativa
- ✓ Fondacija Anna Lindh, od 2016. godine
- ✓ Inicijativa za monitoring EU integracija u BiH, od 2015. godine
- ✓ Koalicija za borbu protiv govora mržnje i zločina iz mržnje, od 2013. godine
- ✓ Ženski sud - Regionalni organizacioni odbor u čijem radu je sudjelovalo 10 organizacija
- ✓ Mreža za izgradnju mira, od februara 2010. godine
- ✓ Inicijativa „Građanke za ustavne promjene“, od 2013. godine
- ✓ Inicijativa „Mir sa ženskim licem“, od 2014. godine

- ✓ Žene Zapadnog Balkana za nove politike od 2018.godine
- ✓ Mreža kulturnih rodni praksi
- ✓ Koalicije romskih i neromskih organizacija civilnog društva, od 2011.godine
- ✓ Mreža Žena u crnom kroz individualni aktivizam
- ✓ ILGA Europe članstvo od 2015. godine
- ✓ IGLYO članstvo od 2017. godine
- ✓ Podijelimo odgovornost ravnopravno
- ✓ Inicijative

Svoje učešće u radu mreža i zajedničkih inicijativa Fondacija CURE vidi kao osnovni mehanizam za razvoj solidarnog i inkluzivnog ženskog pokreta u BiH kojem teži, ali i kao priliku da svoju energiju, znanje i feminističku misiju ugrade u borbu za unaprjeđenje položaja žena, kao i ostalih marginalizovanih društvenih skupina u BiH.

Misija Fondacije CURE

Fondacija CURE, kao prepoznata feministička organizacija, radi na podršci, jačanju kapaciteta i kreiranju sigurnog okruženja kroz edukativne programe, istraživanja, analize i javno zagovaranje, lokalno i regionalno umrežavanje, angažovanu umjetnost i aktivizam za sve žene, djevojke, djevojčice, aktivistkinje i feministkinje, za njihovo aktivno i odgovorno učešće u pozitivnim društvenim promjenama, izgradnji mira i stvaranju inkluzivnog i održivog ženskog pokreta.

Vizija Fondacije CURE

Fondacija CURE zalaže se za ravnopravnost žena i djevojčica u Bosni i Hercegovini, posebno onih iz društveno marginalizovanih skupina, za društvo bez patrijarhalnih normi,

u kojem se ne toleriše nasilje i diskriminacija i gdje su žene prepoznate kao odgovorne pokretačice i nositeljke pozitivnih društvenih promjena, te ravnopravno donose odluke u društvu.

Fondacija CURE nastoji doprinijeti stvaranju održivog i solidarnog ženskog pokreta koji uvažava generacijske i sve druge razlike, ima kapacitet, znanja i snagu da pokrene, podrži i iznese procese koji će dovesti do poboljšanja položaja žena, kao i drugih marginalizovanih društvenih skupina.

Strateški period od 2021. do 2023. godine Fondacija CURE će iskoristiti za dodatno profiliranje, usmjeravanje ka prioritarnim temama i jačanje organizacione strukture kako bi na najbolji način doprinijela daljem stvaranju i rastu ženskog pokreta u BiH i regiji.

Identitet Fondacije CURE

Fondacija CURE je feministička, antimilitaristička i antifašistička organizacija koja se primarno identifikuje i opredjeljuje kao feministička organizacija, prihvatajući multiplicitet feminizma i svih tema od važnosti za dalji razvoj rodne ravnopravnosti u društvu i smatrajući se motorom promjene koji doprinosi snažnijem razvoju ženskog pokreta u Bosni i Hercegovini. Drugi važan dio identiteta Fondacije CURE vezan je za insistiranje na uključivanju, na inkluzivnom pristupu koji podrazumijeva izoštren fokus ka dodatno višestruko marginalizovanim grupama žena – Romkinjama, ženama i djevojčicama s poteškoćama u razvoju, ženama iz malih ruralnih zajednica, lezbijkama, biseksualnim i trans* ženama (LBT*), samostalnim roditeljicama, ženama treće dobi, ženama koje su preživjele nasilje te drugim društveno marginalizovanim kategorijama, te zagovaranju za njihovo uključivanje u sve društvene tokove, posebno na mjestima gdje se donose odluke, na ravnopravnim osnovama. Ovakva politika Fondacije čini CURE i aktivistkinjama koje

se zalažu za borbu protiv rodne, spolne, klasne, rasne, etničke, seksualne, zdravstvene, ekonomske, te svake druge isključenosti žena i djevojčica po bilo kojem osnovu.

Aktivne i prepoznate kao predvodnice brojnih inicijativa unutar ženskog pokreta u BiH, CURE se zalažu za detabuizaciju određenih tema unutar ženskog pokreta i u društvu općenito, protiveći se primjetnom i narastajućem trendu isključivog fokusa na „soft“ ili manje kontroverzne teme unutar bosanskohercegovačkog društva.

Identifikujući se kao feministička organizacija, Fondacija CURE primarno se fokusira na direktan rad sa ženama i djevojčicama, na njihovo osnaživanje o ženskim pravima i aktivizmu, te jačanju uloge žena i djevojčica u društvu. S jedne strane, svojim radom motivišemo novu generaciju feministkinja i aktivistkinja, a s druge radimo na jačanju ženskog pokreta koji uvažava generacijske razlike i različite pristupe u načinu rada u vezi tema rodne i spolne ravnopravnosti, omogućavajući i njegujući individualizam unutar zajedničkog.

Svoju ključnu ulogu Fondacija CURE upravo prepoznaje u okrenutosti ka razvoju ženskog pokreta, dok u sadašnjosti, kroz različite projekte javnog zastupanja i zagovaranja, učestvuje u stvaranju sigurnog i pozitivnog okruženja za feminizam i aktivizam. Promovišući kulturu nenasilja i antidiskriminacije, Fondacija CURE insistira na vidljivosti žene, njene uloge u društvu kroz javnost rada, ulični aktivizam i angažovanu umjetnost, te promociju ženske i feminističke perspektive na sva društveno-politička pitanja. Kombinujući aktivizam, saradnju s institucijama i umrežavanje u BiH i u regiji, Fondacija CURE obuhvata širok spektar ciljnih grupa i veliki dio javnosti. Ključ uspjeha upravo je u ovim različitim pristupima, kao i spremnosti tima Fondacije da se dodatno razvija u još jaču organizaciju koja će moći da odgovori na izazove u društvu.

U nizu aktivnosti i programa koje Fondacija CURE provodi, postoje tri koja su prepoznatljivo vezana za sam identitet organizacije i okosnica su budućih programa i aktivnosti, kako zbog svoje programske, tako i zbog simboličke vrijednosti i činjenice da su potpuno otvorenog, inkluzivnog karaktera i omogućavaju učešće svih koji/e doprinose razvoju ženskog pokreta i feminističke misli u Bosni i Hercegovini:

PitchWise Festival ženske umjetnosti i aktivizma u BiH koji se organizuje od 2006. godine i zaštitni je znak Fondacije CURE kao jedinstveni feministički međunarodni događaj koji objedinjuje aktivizam i angažovanu umjetnost. Festival je nastao iz ideje da se osvoje „zapušteni” javni prostori i transformišu u mjesto koje okuplja umjetnice uključene u rješavanje različitih društvenih problema, aktivistkinje, naučnice, feministkinje i sve druge zainteresovane za pitanja položaja žena u BiH i regiji. Kao važan društveni događaj u Bosni i Hercegovini, PitchWise su prepoznali i ostali društveno-ekonomski akteri i kao takav je brendiran.



Osmomartovski marš

Fondacija CURE tradicionalno organizuje i predvodi Osmomartovski marš u Sarajevu, povodom sjećanja na početke ženskog pokreta i s ciljem skretanja pažnje javnosti na problem rodne neravnopravnosti i svakodnevnih životnih problema žena u Bosni i Hercegovini. Svake godine Fondacija CURE poziva i predstavnike/ce marginalizovanih grupa, radnike/ce, učenike/ce, studente/kinje, žene treće dobi, predstavnike/ce institucija, akademske zajednice, predstavnike/ce medija, te građane/ke da se pridruže maršu.



Ženska mreža BiH

U prvoj polovini 2009. godine, Fondacija CURE pokrenula je inicijativu za formiranje Ženske mreže BiH (ŽMBiH) koja je zvanično osnovana i počela sa radom 12. septembra 2009. godine na konferenciji pod istim nazivom, u okviru četvrtog PitchWise festivala ženske umjetnosti i aktivizma u BiH. Ženska mreža BiH neformalna je grupa koja danas okuplja preko 55 organizacija civilnog društva, pojedinki i pojedinaca koji/e zastupaju i bave se ženskim pravima i podsticanjem rodne ravnopravnosti, te promoviše antidiskriminaciju, slobodu odlučivanja, jednakost, nenasilje i antimilitarizam, uz prihvatanje feminističkih vrijednosti djelovanja – mira, solidarnosti, povjerenja, zajedništva, jednakosti i različitosti.

Fondacija CURE definiše sljedeće ključne vrijednosti u kontekstu rada i funkcionisanja fondacije, te u građenju i snaženju ženskog pokreta u BiH:

- Solidarnost među ženama
- Međugeneracijska solidarnost i prenos znanja
- Osnaživanje žena, posebno društveno marginalizovanih ženskih grupa
- Inovativnost u radu i pristupu
- Transparentnost unutar tima i spram drugih
- Feministički identitet
- Okrenutost ka različitim identitetima, potrebama i snovima žena i djevojčica
- Aktivizam kao način uticaja na pozitivne društvene promjene
- Stvaranje sigurnog prostora za žene i djevojčice
- Dosljednost u radu, te posvećenost ostvarivanju socijalne pravde
- Antifašizam
- Antimilitarizam

- Nenasilje
- Sloboda izbora i različitost identiteta.

Ovom prilikom tim Fondacije CURE želi se svima zahvaliti na saradnji, podršci i solidarnosti.

Tim Fondacije CURE: Jadranka, Vedrana, Stela, Denija, Tanja, Selma, Medina, Saša, Enida, Lana, Sabina, Sanda.

Podržavateljice/i i saradnice/i Fondacije CURE: Nezira, Safija, Saša K., Hana, Alma, Vesna, Emina, Una, Maida, Delila, Azra, Marija, Aiša, Dijana, Dina, Mahira, Bojana, Neira, Alda, Almedina...

Članice Upravnog odbora bile su: Kristina, Ana, Berina M., Zlatiborka i Berina Dž.



PROJEKTI FONDACIJE CURE

Razvoj kapaciteta Fondacije CURE

Kroz ovaj dugogodišnji projekat, Fondacija CURE fokusirala se na osnaživanje mladih žena i djevojaka u smislu jačanja njihovih kapaciteta u oblasti ženskih prava kako bi doprinijele zaustavljanju rodno zasnovanog nasilja. U 2021. godini smo radile na osnaživanju naših kapaciteta izrađujući potrebne dokumente kako bi unaprijedili rad Fondacije CURE. Tokom 2021. godine izrađena je Komunikacijska strategija Fondacije CURE, Protokol za volonterke i Alat za praćenje i implementaciju Operativnog i Strateškog plana Fondacije CURE.

Zagovaranje za ženska prava projekat je koji finansira Evropska unija, a realizuju Fondacija CURE i Fondacija za osnaživanje žena. Tokom dvije godine implementacije radi se na jačanju kapaciteta deset organizacija u deset općina u Bosni i Hercegovini, uz donošenje preporuka za institucije na lokalnom nivou o tome kako unaprijediti položaj žena.

Lokalne organizacije sa kojima smo saradivale u 2021.godini su Udruženje građana „Probudi se” Istočno Sarajevo, Udruženje žena „Romkinje” Bijeljina, Udruženje žena „Pašinke” zajedno sa Udruženjem „Sigurno mjesto” iz Zavidovića, Udruženje „Ženska vizija” iz Tuzle i Aktiv žena „Donje Moštre” iz Visokog.

U 2021. godini smo u sklopu projekta organizovale ukupno 14 aktivnosti koje su se realizovale u pet lokalnih zajednica, a to su: Bijeljina, Tuzla, Istočno Sarajevo, Donje Moštre/Visoko i Hajderovići/Zavidovići.

U Istočnom Sarajevu smo organizovale dvije radionice (jedna radionica na temu izgradnje kapaciteta organizacija i jedan okrugli sto) sa ukupno 33 učesnika/ca (21 predstavnica NVO sektora i aktivistkinja i 12 predstavnika/ca institucija i medija).

U Bijeljini smo organizovale dvije radionice (jedna radionica na temu izgradnje kapaciteta organizacija i jedan okrugli sto) sa ukupno 29 učesnika/ca (20 predstavnika/ca NVO sektora i aktivista/kinja i 9 predstavnika/ca institucija i medija).

U Tuzli smo organizovale dvije radionice (jedna radionica na temu izgradnje kapaciteta organizacija i jedan okrugli sto) sa ukupno 23 učesnika/ca (16 predstavnika/ca NVO sektora i aktivista/kinja i 7 predstavnika/ca institucija i medija).

U Visokom/Donjim Moštama smo organizovale dvije radionice (jedna radionica izgradnje kapaciteta organizacija i jedan okrugli sto) sa ukupno 30 učesnika/ca (19 predstavnika/ca NVO sektora i aktivista/kinja i 11 predstavnika/ca institucija i medija).

U Hajderovićima/Zavidovićima smo organizovale dvije radionice (jedna radionica izgradnje kapaciteta organizacija i jedan okrugli sto) sa ukupno 33 učesnika/ca (25 predstavnika/ca NVO sektora i aktivista/kinja i 8 predstavnika/ca institucija i medija).

Fondacije CURE i Fondacija za osnaživanje žena organizovale su u okviru EU projekta i dva dvodnevna treninga na temu „Ženska prava, ravnopravnost spolova i osnaživanje žena“ za braniteljice ženskih prava i aktivistkinje. Na treningu su prisustvovala članice svih pet organizacija iz pet lokalnih zajednica, a prisustvovala su 32 učesnice (predstavnice NVO sektora i aktivistkinje).

Nadalje, Fondacija CURE i Fondacija sa osnaživanje žena su u sklopu istog projekta takođe organizovale trodnevni trening namijenjen članicama svih deset organizacija iz

deset lokalnih zajednica sa kojima saradujemo. Tema je bila „Monitoring implementacije državnih i međunarodnih zakona koji osiguravaju ženska prava i demokratiju“. Ukupno 34 članice udruženja prisustvovala su na treningu.



Integrirana sigurnost za žene (ISW) je projekat koji finansira Global Fund for Women, sa ciljem da se istraži kako braniteljke ljudskih prava i aktivistkinje mogu bolje razumjeti prijetnje i rizike (unutrašnje i vanjske) protiv njih, kao i strategije kojima mnoge već imaju pristup i praksu - kako bi ublažile uticaj rizika i zaštitile sebe, te održale svoj aktivizam, svoje organizacije i pokrete.

U 2021. godini smo u sklopu ISW projekta održale dvije radionice sa ukupno 32 učesnice. Na prvoj održanoj radionici prisustvovalo je 17 učesnica, a na drugoj 15.



Pružanje brzog odgovora, podrške i integracije za tražiteljice azila

Fondacija CURE u saradnji sa CARE International Balkans u 2021. godini je radila na implementaciji inicijative s ciljem ojačavanja kapaciteta i olakšavanja procesa integracije mladih žena i djevojčica u bh. društvo u sklopu projekta Pružanje brzog odgovora, podrške i integracije za tražiteljice azila. Fondacija CURE je zahvaljujući projektu omogućila priliku za integraciju dvjema mladim ženama kroz sticanje radnih navika i atmosferu sa osiguranom podrškom. Fondacija CURE uvijek cilja ka osnaživanju žena, te smo upravo tokom ovog projekta napravile uspješno okruženje za zdravo, edukativno i raznovrsno iskustvo.



Digitalno zagovaranje je projekat koji Fondacija CURE realizuje uz podršku Fondacije Kvinna till Kvinna. Osim 10 digitalnih podcastova, održale smo i dvije radionice, jednu u Bužimu gdje smo podržale inicijativu pokretanja izrade lokalnog gender akcionog plana, te rodno odgovornog budžeta i razgovarale o drugim problemima: problemu s pitkom vodom, nedostatku edukacija o prevenciji raka dojke, o udaljenim mjesnim zajednicama itd.

Druga radionica održana je u Derventi gdje su nas ugostile sjajne žene iz Udruženja žena „Derventa” gdje smo razgovarale o stanju ženskih prava u njihovoj lokalnoj zajednici sa posebnim fokusom na položaj i potrebe žena na selu, nasilju nad ženama i djevojčicama, obrazovanju i jačanju ženske uključenosti u proces donošenja odluka.

Pokrenuto je mnogo pitanja na koja u narednom periodu trebamo tražiti odgovore, tako da se naša zalaganja za ženska prava u BiH nastavljaju.



„OснаŽENE za promjenu“ je projekat koji je najvećim dijelom realizovan u ovom periodu kroz organizaciju jednog seminara, šest javnih diskusija, uličnu akciju i istraživanje. Cilj projekta je bio da u društvu obespravljenih, žene budu potpora jedna drugoj i da pošaljemo poruku za sve one koje misle da su usamljene u svom iskustvu diskriminacije i nasilja, da znaju da možemo zajedno da mijenjamo situaciju i pružamo podršku jedna drugoj. Cilj je bio i doprinijeti jačanju kapaciteta žena – aktivnih građanki i budućih političarki za aktivno djelovanje u lokalnim zajednicama i na političkoj sceni BiH. U period od 15. do 17.10.2021. godine družile smo se s političarkama, aktivistkinjama i ženama koje su aktivne u političkom i javnom životu u Bosni i Hercegovini na seminaru/edukaciji „OснаŽENE za promjene“. Održano je šest javnih diskusija u Tuzli, Mostaru, Bihaću, Doboju, Bratuncu i Palama sa ciljem jačanja kapaciteta žena aktivistkinja, žena aktivnih u politici i žena iz marginalizovanih grupa* te mladih žena koje djeluju na lokalnom nivou.



„Speak up Against Violence!“ („Progovori o nasilju!“) projekat je koji je započeo 2021. godine. Fondacija Cure ga realizuje u partnerstvu sa Autonomnim ženskim centrom (AŽC) iz Beograda koji ima supervizorsku ulogu u procesu prenošenja znanja. Primarni fokus projekta je poboljšanje kapaciteta pet lokalnih organizacija za ženska prava kroz obrazovanje 10 mladih žena da postanu vršnjačke edukatorice za mlade na temu sprječavanja seksualnog i rodno zasnovanog nasilja u omladinskim vezama. Projekat je ukazao na nultu toleranciju nasilja motivišući mlade osobe da budu pokretači/ce pozitivnih promjena, stvarajući siguran prostor i zdravije okruženje. U toku ovog projekta pružaju se alati za različite ciljne grupe s ciljem preuzimanja odgovornosti i korištenja resursa i znanja u svrhu zaustavljanja rodno zasnovanog nasilja. Različite ciljne grupe (ženske nevladine organizacije, Vijeća mladih, udruženja mladih i mlade žene) koje su dio obrazovnog programa projekta postaće pokretači/ce i kreatori/ke različitih aktivnosti i radionica sa ciljem edukacije drugih o problemu rodno zasnovanog nasilja. Kroz ovaj projekat stvaramo siguran prostor - privatne i javne prostore, koristeći različite medijske alate (internet platforme, nove medijske platforme, društvene mreže itd.), a sve kako bismo osnažili mlade da govore o rodno zasnovanom nasilju u vezama mladih. U ovom projektu angažovano je pet lokalnih organizacija za ženska prava iz pet gradova u BiH (Zenica, Banja Luka, Bijeljina, Tuzla i Sarajevo), a iz svake organizacije dolaze po dvije mlade žene (vršnjačke edukatorice - „peer educators“) od 18-25 godina koje su prošle kroz trodnevne sastanke obuke, programe mentorstva i studijsku posjetu, pohađale Trening za trenerice kako bi postale edukatorice za mlade i lice kampanje „Mogu reći ne - Ljubav nije nasilje“. Svaka organizacija održala je jednu dvodnevnu online radionicu u svojoj lokalnoj zajednici radi savjetovanja mladih i njihovih udruženja na temu prevencije seksualnog i rodno zasnovanog nasilja u vezama mladih. Vršnjačke edukatorice će sa učesnicima/ama radionica provesti online kampanje na temu nulte tolerancije na nasilje kroz kampanju „Mogu reći ne - Ljubav nije nasilje“. Također, kreiran je siguran prostor za 20 mladih žena

(iz Republike Srbije i BiH) da podijele svoja iskustva na temu rodno zasnovanog nasilja kroz konferenciju na PitchWise festivalu ženske umjetnosti i aktivizma u BiH i kampanju „Mogu reći ne - Ljubav nije nasilje”.

U okviru ovog projekta održale smo pet aktivnosti, a također smo krajem septembra počele sa online kampanjom „Progovori o nasilju“ gdje smo dosegle do 24.408 reach-ova. Kroz različite aktivnosti koje se provode tokom ovog projekta direktno je sudjelovalo 82 učesnika/ce.



XVI PitchWise festival ženske umjetnosti i aktivizma u BiH

Fondacija CURE organizovala je šesnaesti PitchWise festival ženske umjetnosti i aktivizma kroz feminističku teoriju i praksu od 09. do 12. septembra 2021. godine u Sarajevu.

Tema PitchWise festivala je bila: **NISMO SAME!!!**

Veoma smo ponosne i oduševljene što smo tokom četiri dana trajanja PitchWise festivala ugostile više od 300 posjetilaca/teljki kako iz BiH, tako i iz regije Zapadnog Balkana, među kojima su aktivistkinje, teoretičarke, književnice i umjetnice koje su izlagale na ovogodišnjem festivalu. U društvu obespravljenih sretno smo što smo pronašle prijateljice da budemo potpora jedna drugoj i što smo uspjele poslati poruku za sve one koje misle da su usamljene u svom iskustvu diskriminacije i nasilja, da smo mi tu da im pružimo podršku. Naša snaga raste iz svake žene, bez obzira koliko bile glasne ili tihe, bez obzira da li smo tek digle glas ili to radimo godinama, bez obzira na način na koji dižemo svoj glas, bez obzira na iskustvo i motivaciju – MI NISMO SAME!

Sretne smo što smo okupile veliki tim volontera/ki koji/e su nam svima posvetili/e svoje vrijeme, što smo imale i medijsku podršku, sestrinske organizacije, te smo posebno zahvalne donatorima/kama koji/e su uvidjeli/e koliko je značajno davati podršku ovakvim jedinstvenim feminističkim događajima.

U periodu od 09.09.2021. do 19.09.2021., kao dio Festivala, u Historijskom muzeju BiH u sklopu izložbe „Umetnost antirata“ kustosice Ane Simone Zelenović, bili su postavljeni radovi sljedećih umjetnika/ca: Alma Gačanin, Darija S. Radaković, Ivana Ivković/Tomislav Pavelić, Ivana Smiljanić, Lala Raščić, Lana Čmajčanin, Marina Marković, Milica Rakić,

Sanja Latinović, Sanja Iveković, Šejla Kamerić, Milica Tomić, Tanja Ostojić, Alma Suljević



Ženska mreža BiH

U protekloj godini Fondacija CURE je kao koordinirajuća organizacija uložila maksimalne napore kako bi funkcionisanje Ženske mreže bilo neometano i kontinuirano. Tokom cijele godine aktivno smo radile na uključivanju ženskih organizacija iz malih lokalnih zajednica u Mrežu, te je Ženska mreža aktivno funkcionisala i prenosila sve informacije i pozive koje su objavljivale individualne članice Ženske mreže. Imale smo priliku tehnički podržati učešće predstavnica članica Ženske mreže na zajedničkoj sjednici Komisije za ljudska prava Parlamentarne skupštine BiH u povodu 8. marta 2021. gdje je zagovaračica za prava Romkinja iz Bijeljine prvi put imala priliku javno govoriti pred parlamentarnim predstavnicama/cima BiH i iznijeti svoju autentičnu priču o stanju i položaju marginalizovanih žena u BiH. Tom prilikom je uvažanim parlamentarnim zastupnicama i zastupnicima predstavljen i jedinstveni izvještaj o iskustvima nadgledanja sudskih procesa koje provode članice ŽMBiH.

Koordinatorica Ženske mreže BiH u protekloj je godini učestvovala u radnoj grupi za izmjene i dopune Zakona o ravnopravnosti spolova u skladu sa EU direktivama, a imenovalo ju je Ministarstvo za ljudska prava BiH. Sastanak se održao online, pri čemu su se koristile tehničke mogućnosti studija za digitalno zagovaranje koje je Fondacija CURE uspostavila u okviru svog zagovaračkog projekta. Sastanku su prethodile opsežne konsultacije sa članicama Ženske mreže BiH. Takođe je u redovnoj komunikaciji sa Agencijom za ravnopravnost spolova BiH što uključuje i komunikaciju i pripremu organizacija članica za učešće na raznim sastancima, poput prvog konsultativnog sastanka sa predstavnicama organizacija civilnog društva i Agencije koji je održan u julu 2021. Objavile smo rezime istraživanja uticaja COVID-a 19 na društveno marginalizovane žene u tri lokalne zajednice u BiH koje je provedeno u saradnji sa Agencijom za ravnopravnost

spolova BiH tokom 2020. godine.

Podržale smo i ured UNWOMEN u BiH sa provođenjem istraživanja unutar ŽMBiH o percepciji stanja ženskih prava u BiH od strane individualnih članica. Obrada i analiza samih istraživanja prezentovana je u septembru 2021., a njoj su prethodile obimne konsultacije. U sinergiji sa projektom Zalaganje za ženska prava kojeg podržava Kvinna till Kvinna, a provodi Fondacija CURE, tim ŽMBiH organizovao je 10 sesija digitalnog zagovaranja na teme koje direktno utiču na kvalitetu života žena i djevojčica – briga o sebi, seksualno nasilje, ekonomsko nasilje. Sve sesije su održane uživo, te su dijeljene na našim društvenim mrežama. Ženska mreža BiH je u proteklom periodu izdala pet saopštenja u vezi sa nasiljem nad ženama, mizoginijom u javnom prostoru i pravima migrantkinja, te podržala jednu parlamentarnu inicijativu o uvođenju ravnopravnosti spolova u Vijeće ministara BiH.

Članice Ženske mreže BiH bile su dio ulične akcije koja je organizovana 24. novembra u Zenici nakon još jednog slučaja femicida u toj lokalnoj zajednici. Događaj je uživo prenošen na FB ŽMBiH, te je tom prilikom koordinatorica/administratorica imala i zapažene medijske nastupe.



Globalna kampanja 16 dana aktivizma protiv rodno zasnovanog nasilja i ulične akcije

Fondacija CURE organizovala je uličnu akciju Crvene cipele povodom Međunarodnog dana borbe protiv nasilja nad ženama, 25.11.2021. godine ispred Sarajevo City Centra u 12 sati. Uličnom akcijom Crvene cipele koje simboliziraju žene žrtve femicida (ubistva žena) željele smo skrenuti pažnju na problem nasilja nad ženama koji se dešava svake sekunde na planeti, a nažalost često završava ubistvom žena. Žrtve femicida imaju sličnu priču, a to je da su do smrti bile zlostavljane i izložene različitim oblicima nasilja, da su ljudi iz njihovog okruženja znali da preživljavaju nasilje, ali nisu mogli slutiti da nasilnik može biti i ubica. Željele smo skrenuti pažnju na medijski senzacionalizam prilikom izvještavanja o femicidu jer se u medijskim izvještavanjima često opravdavaju činovi ubistva tako što se navode objašnjenja za počinjeno ubistvo (npr. „bio je ljubomorani“, „napustila ga je“ i sl.). Kazne za počinioc ubistva su male, za nasilnike još manje ili ih nema, a olakšavajuća okolnost za pravosudne organe je to što je nasilnik „porodični čovjek“. Pored toga, javnost će u većini slučajeva naglasiti kako je žena sama kriva za situaciju u kojoj se našla. Stop nasilju nad ženama i stop femicidu! Pozivamo institucije da femicid prepoznamo kroz sistem i zakon!



16 DANA AKTIVIZMA

GLOBALNA KAMPANJA



CURE PARTNERSTVA

Inicijativa za afirmativne izmjene i dopune udžbeničkog sadržaja u srednjim školama u Kantonu Sarajevo

U 2021. godini organizovale smo online sastanak sa članovima/icama ove inicijative (Fondacija CURE, Krila nade, Sarajevski otvoreni centar i Udruženje INFOHOUSE), kako bismo radili/e na poboljšanju i reviziji obrazovanja u cilju promovisanja rodne i spolne ravnopravnosti, izmjeni diskriminatorskog sadržaja i sadržaja u kojem je materijal za stvaranje predrasuda, te radi kreiranja inkluzivnog sadržaja o svim marginalizovanim grupama u bh. društvu.

Inicijativa „Građanke za ustavne promjene“

Inicijativa „Građanke za ustavne promjene“ čijim radom upravlja Helsinški parlament građana Banja Luka, u saradnji s Fondacijom CURE ima za cilj osigurati vidljivost problematike nevidljivosti žena u Ustavu BiH i pokrenuti ustavne reforme u BiH. U 2022. godini organizacije članice Inicijative su nastavile s kontinuiranim održavanjem sastanaka sa poslanicima/ama Parlamentarne skupštine Bosne i Hercegovine. Na poziv Agencije za ravnopravnost spolova BiH, Inicijativa „Građanke za ustavne promjene“ imala je priliku da predstavi Platformu ženskih prioriteta sa amandmanima na Ustav iz rodne perspektive na zajedničkoj tematskoj sjednici ustavnopravnih komisija Doma naroda i Predstavničkog doma, Zajedničke komisije za ljudska prava i Komisije za ostvarivanje ravnopravnosti spolova Predstavničkog doma Parlamentarne skupštine BiH na temu realizacije preporuka UN CEDAW komiteta na Šesti periodični izvještaj o provedbi UN CEDAW konvencije, održanoj 10. decembra 2021. godine u Bijeljini.

Za više informacija o aktivnostima Inicijative „Građanke za ustavne promjene“ posjetite web stranicu <https://gradjankezaustavnepromjene.wordpress.com/> i Facebook fan page <https://www.facebook.com/inicijativagzup>



Mir sa ženskim licem

„Mir sa ženskim licem - Ženska inicijativa za suočavanje s prošlošću” je projekat koji u partnerstvu realizuju Fondacija „Lara” iz Bijeljine i Humanitarna organizacija „Horizonti” iz Tuzle, a u projekat je uključeno još deset partnerskih organizacija iz devet gradova BiH uključujući i Fondaciju CURE.

U 2021. godini provedena je zalagačka akcija „100 žena – 100 ulica po ženama”, odnosno podnesena inicijativa Opštini Stari Grad Sarajevo sa zahtjevom za imenovanje trga preko puta Vijećnice u Trg Aide Buturović. Inicijativa „Mir sa ženskim licem” pokrenula je više akcija za memorijalizaciju stradanja žena, a jedna od njih je i obilježavanje 8. decembra - Dana sjećanja na stradanje žena u ratu u BiH. Fondacija CURE je ovaj dan obilježila dijeleći informacije građanima/kama Sarajeva o Danu sjećanja i Inicijativi „Mir sa ženskim licem”



Aktivističko-informatičko osnaživanje ženskih udruženja

Fondacija CURE je kroz saradnju sa Fondacijom za osnaživanje žena podržala devet ženskih organizacija/neformalnih grupa s kojima je radila na izgradnji kapaciteta u online sferi djelovanja, te načinu predstavljanja putem društvenih mreža. Pruženi su resursi i alati, te su članice udruženja educirane o osnovama informatičke pismenosti, te kako i na koji način mogu koristiti društvene mreže za svoju samopromociju kao i za promociju svojih udruženja/organizacija. Učestvovala su ženska udruženja iz Lukavca, Tuzle, Zavidovića, Sarajeva, Konjica i Mostara.



CURE SARADNJA



U suradnji sa Fondacijom „Jelena Šantić“ od februara 2021. provodimo projekat pod nazivom „Aktivističko nasljeđe – priče žena iza konflikta i krize na zapadnom Balkanu“, koji je posvećen pričama i promociji žena aktivistkinja, te njihovim zajedničkim postignućima i uspjesima. Ovo je bila posebna prilika da se čuju glasovi i iskustava žena o njihovoj borbi, kako u privatnom, tako i u javnom životu u proteklm godinama. Postavljale smo pitanje postignuća aktivistkinja iz različitih sredina u različitim turbulentnim vremenima u Bosni i Hercegovini i Republici Srbiji. Koristile smo različite oblike komunikacije kako bismo približile teme ženskih postignuća tokom rata i sukoba u regiji zapadnog Balkana, te njihove transformacije iz individualnih aktivističkih info ženskih kolektiva koji se zalažu za ljudska prava kroz različite prakse: organizacije civilnog društva, umjetničke i kulturne prakse, akademske zajednice, istraživanje, promocije, publikacije, strip, izložbu, podcast.

Fondacija CURE je u novembru 2021. potpisala Memorandum o razumijevanju i saradnji s predstavnicima/ama Visoke škole za turizam i menadžment iz Konjica i ASA Osiguranja u projektu „Obrazovanje obespravljenih djevojaka i žena u BiH“. Svjesne smo da je problem obespravljenih problem društva u kome živimo, a u našem slučaju se radi o marginalizovanim kategorijama žena iz romske populacije, žena iz ruralnih područja, samohranih majke i žena sa invaliditetom kojima smo na ovaj način omogućile nastavak školovanja.



OSTALE AKTIVNOSTI FONDACIJE CURE

8. mart

Osmomartovsko stajanje

Fondacija CURE organizovala je dnevno i večernje aktivističko stajanje povodom 8. marta – Međunarodnog dana žena u cilju da skrene pažnju da ni u vrijeme „mira”, u vrijeme bez prirodnih katastrofa i pandemija, životi žena nisu sigurni, a sa svakom društvenom ili prirodnom katastrofom, prava i sigurnost žena, djevojaka i djevojčica su dodatno ugroženi. Na uličnim akcijama je bilo oko 60 učesnika/ca. Povodom obilježavanja 8.marta, Fondacija CURE organizovala je online kampanju kojom smo željele da skrenemo pažnju na nasilje i probleme s kojima se suočavaju žene u Bosni i Hercegovini, te koliko su stereotipi, predrasude i patrijarhalno nasljeđe uticali na stvaranje društva koje je tolerantno na nasilje i diskriminaciju.

Važno je da shvatimo da: #NasiljeSeDešavaSvimŽenama! #NePostojiOpravdanjeZaNasilje!
#NasiljeSeTičeSvih! #ŽenskoTijeloNePripadaMuškarcima! #ŽeneNisuTražile!
#NijeOdgovornostNaŽeni! #ŽenaNijeKrivaZaNasilje! i #NisiSama jer uvijek tamo gdje je opresija, tu je i otpor.

Nikad nećemo prihvatiti da smo #SameTražile da o našim životima i tijelima odlučuje bilo ko osim nas samih. I #NismoSame, naša pokretačka energija je u revoluciji, nastala zbog opresivnih tradicionalnih politika, fašizma, klerofašizma, nacionalizma i patrijarhata. Izložba povodom obilježavanja 8.marta

Fondacija CURE je organizovala izložbu povodom obilježavanja 8. marta koja je sadržavala sedam plakata, postavljenih duž Obale Kulina bana. Tema postavljenih plakata odnosila se na centralnu poruku, a to je: „Sama nije tražila!” Isticanjem različitih poruka na svakom plakatu zasebno, ukazalo se na važnost nulte tolerancije prema nasilju nad ženama i djevojčicama.



POZITIVNA PRIČA VOLONTERKE

U 2021. godini radile smo sa 11 volonterki Fondacije CURE koje su odlučile da daju svoj doprinos izgradnji boljeg društva kroz volontiranje u Fondaciji CURE. Izdvajamo samo jednu od brojnih pozitivnih priča:

„Imam veliku želju da, pored teorijskog dijela, sa fakulteta se približim ženskim organizacijama danas, steknem nova saznanja, iskustva, poznanstva budući da planiram da poslije studija nastavim sa izučavanjem feminističke historije i bavljenjem aktivizmom i verujem da bih kod vas mogla dosta da naučim i steknem nova iskustva koja će mi pomoći u mom cilju.“

CURE PUBLIKACIJE I ISTRAŽIVANJA

Fondacija CURE je u sklopu projekta „Zagovaranje za ženska prava“, kojeg finansira Evropska unija, a realizuju Fondacija CURE i Fondacija za osnaživanje žena, izradila analizu „Procjena kapaciteta ženskih organizacija na lokalnom nivou“ autorica Tatjane Žarković i Vere Zih. Analiza je prvenstveno bazirana na procjeni kapaciteta (pravnih, tehničkih, infrastrukturnih, kadrovskih) nevladinih organizacija u čijem fokusu djelovanja su manjinske i marginalizovane grupe žena u lokalnim zajednicama, te predstavljanju iskustava iz prakse i priča o specifičnom položaju žena u njihovom okruženju, uz detaljan pregled dostupnog zagovaračkog materijala i regulative za poboljšanje položaja žena iz marginalizovanih grupacija koje čine pripadnice nacionalnih manjina, povratnice, žene sa invaliditetom, nezaposlene žene, pripadnice LGBT populacije, sa posebnim akcentom na mlade žene kao nositeljke promjena u svojoj lokalnoj zajednici. Istraživanje na bosanskom/hrvatskom/srpskom i engleskom jeziku dostupno je u online formatu na web stranici Fondacije CURE www.fondacijacure.org.

PROGLAS FONDACIJE CURE O NULTOJ TOLERANCIJI NA NASILJE

Fondacija CURE osnovana je s ciljem stvaranja društva u kojem se ne toleriše nasilje, diskriminacija i mržnja. Kroz svoj petnaestogodišnji rad Fondacija CURE promoviše kulturu nenasilja kako bi doprinijela boljem kvalitetu svakodnevnog života žena i drugih manjinskih i marginalizovanih grupa. Članice Fondacije CURE, u svoj svojoj različitosti, okupljene su oko jedinstvenog stava, a to je da nema kompromisa sa nasiljem. Iskreno smo potresene nedavnom izjavom glumice Milene Radulović, ali isto tako smo ponosne na Milenu i sve druge žene i djevojke koje su javno istupile i našle hrabrosti da pričaju o nasilju, seksualnom uznemiravanju i silovanju. Zato i zbog podrške #NisamTrazila i cjelokupnom pokretu žena, djevojaka i djevojčica koje su digle svoj glas, odlučile smo da javno istupimo sa proglašenjem o NULTOJ toleranciji prema nasilju.

Zagovaranje za ženska prava
Women Human Rights Advocates



CURE

Centar za ženska prava
i podršku ženama
i djevojkama
i djevojkama
i djevojkama



MEDIJSKA VIDLJIVOST

U 2021. godini Fondacija CURE je imala 214 medijskih pojavljivanja. U elektronskim medijima registrovano je oko 11 sati emitovanja na 20 različitih TV i radio stanica, odnosno 82 TV i radio gostovanja i 129 objavljenih vijesti u online medijima. U štampanim medijima smo dokumentovale tri objavljena članka, ali to nije konačan broj, nego onaj koji smo uspjeli registrovati. Fondacija CURE kao koordinirajuća organizacija Ženske mreže Bosne i Hercegovine vodi web stranicu www.zenskamreza.ba na kojoj je objavljeno 70 tekstova/ članaka na lokalnom jeziku i 7 na engleskom jeziku. Analitika korisnika/ca Facebook fan page-a ŽM BiH pokazuje 3.473 lajkova (3.473 osobe se sviđa fan page ŽM BiH), dok 3.736 osoba prati.

ONLINE KAMPANJE:

Na osnovnu analize podataka sa oficijelne facebook stranice Fondacije CURE u 2021. godini uspješno smo organizovale online kampanju #Progovorionasilju u sklopu projekta „Progovori o nasilju” gdje smo na Facebook stranici ostvarile 23.408 reach-ova sa ukupno 32 posta. Analiza Instagram računa „Progovori o nasilju“ u periodu od septembra 2021. godine pokazuje da je Fondacija CURE objavila 32 posta, dosegla 320 followers-a i ostvarilo ukupno 13.117 reach-ova.

Što se tiče online kampanja u sklopu projekta Zagovaranje za ženska prava koji implementira Fondacija CURE zajedno sa Fondacijom za osnaživanje žena, a finansijski podržava EU, analize podataka sa oficijalne Facebook stranice Fondacije CURE u 2021. pokazuje da smo objavile 54 posta, dosegle preko 3.750 klik-ova na postovima i imale do 3.100 indirektnih učesnika/ca (lajkovi, komentari i share). Analiza Instagram računa

Fondacije CURE u 2021. godini pokazuje da je Fondacija CURE objavila 24 posta i dosegla 5.861 reach. Na službenom YouTube kanalu Fondacije CURE objavljeno je pet videa sa ukupno 529 pregleda.

Online stream PitchWise festivala - Zahvaljujući tehnologiji, osobe koje nisu mogle doći na PitchWise mogle su ipak prisustvovati festivalu jer smo sve panele i većinu festivala prenosile uživo. Još uvijek ste u mogućnosti pogledati panele i promociju knjige:

- **PANEL „POBUNJENE SPISATELJICE“** možete pogledati na FB stranici Fondacije CURE na linku: https://www.facebook.com/watch/live/?v=318565276705081&ref=watch_permalink
- **PANEL „MOGU DA NEĆU!“** možete pogledati na FB stranici Fondacije CURE na linku: https://www.facebook.com/watch/live/?v=419704096154734&ref=watch_permalink
- **PANEL „MI KOJE DIŽEMO GLAS!“** možete pogledati na FB stranici Fondacije CURE na linku: https://www.facebook.com/watch/live/?v=374131211098230&ref=watch_permalink
- **PANEL “AKTIVIZAM KROZ UMJETNOST I NOVE MEDIJE DIGITALNOG DOBA”** možete pogledati na FB stranici Fondacije CURE na linku: https://www.facebook.com/watch/live/?v=374131211098230&ref=watch_permalink
- **PROMOCIJA KNJIGE „Život bez kompromisa za umjetnost i mir!“** možete pogledati na FB stranici Fondacije CURE na linku: https://www.facebook.com/watch/live/?v=383147919950649&ref=watch_permalink

Digitalna zagovaranja: U toku 2021. godine Fondacija CURE je uz podršku Fondacije Kvinna till Kvinna realizovala i kreirala 10 digitalnih podcast-ova koji su obuhvatili različite teme i gdje su različiti eksperti/ce iz svojih oblasti govorili/e o zadanim temama. Podcast-ovi su emitovani uživo na našoj FB stranici i zabilježeno je preko 20.000 pregleda.

DONATORKE I DONATORI:

Evropska unija; Kvinna till Kvinna; Global Fund for Women; Fondacija TRAG/Fondacija OAK; Die Feministische Friedensorganisation cFd; Mediterranean Women's Fund; Heart and Hand Fund; Sigrid Reusing Trust; CARE International; Balkan Trust for Democracy (BTD); Američka agencija za međunarodni razvoj (USAID); Zavod za zapošljavanje KS; Fondacija za osnaživanje žena, Heinrich Böll Stiftung Sarajevo; Friedrich-Ebert-Stiftung u Bosni i Hercegovini; ISCOS - Emilia Romagna.

Fondacija CURE želi da se zahvali svima vama – prijateljicama i prijateljima iz Bosne i Hercegovine i cijeloga svijeta na vašoj kontinuiranoj pažnji, podršci i prijateljstvu koje nam bezrezervno pružate sve ove godine.

Fondacija CURE media:

Web: www.fondacijacure.org

Instagram: @fondacijacure

Twitter: @Fondacija_CURE

Facebook: fondacijacure

YouTube: Fondacija CURE

